



PRIMA SESSIONE STRASURDINARIA DI U 2019
1ère session extraordinaire de 2019
31 DI GHJENNAGHJU È 1mu DI FERRRAGHJU
31 janvier et 1er février
2019/E1/007

Question déposée par Anne Tomasi au nom du groupe Partitu di a Nazione Corsa

Objet : *Lingua corsa è riforma di u basciigliè*

O Sgiò Presidente di u Cunsigliu Esecutivu, o Signora Cunsigliera Esecutiva in carica di l'insignamentu, o Sgiò Cunsiglieru Esecutivu in carica di a lingua corsa.

Tutt'ognunu a sà, a rientrata 2019 arricherà un cambiamentu maiò in i licei di Corsica, cum'è per ste France. Cum'è ogni riforma, questa quì si carrieghja u so pocu è tantu di dumande, da dà fà è impenserisce.

Và cù i so pedi, in ste circustanze, ch'ellu sia cuncirnatu l'insignamentu di a lingua corsa è in lingua corsa.

Per cumincià, una di e cagione sempre date per spiegà l'assenza d'insignamentu bislinguu à u liceu stava in u scumpartimentu di i sculari à filiere. Dopu à una 2nda bislingua, i zitelli sò distribbuiti in parechje classe, è vene dunque male à urganizà e 1me è e Terminale bislingue. Ma oghje, smariscenu e filiere generale à prò d'un parcorsu cumunu è d'insignamenti di specialità. S'ella hè prevista a pussibilità d'un insegnamentu in lingua corsa à u titulu di u nuvellu duminu di spicialità lingue, à chì ne simu d'una mensione « bislinguu » per u novu basciigliè ?

A mo seconda quistione tratta piuttosto di l'insignamentu di a lingua. Sin'à oghje, sicondu à a filiera, a lingua corsa pudia esse studiata in LV2 cù a pussibilità d'un insegnamentu apprudufunditu di lingua, in LV3 o in uzzione. Cù sta riforma, dumane, si puderà studià in LVB o in uzzione LVC. U più chì dà da fà hè chì un elevu di 1ma ùn pò sceglie chè una sola è unica uzzione, allora ch'ellu ci n'avìa almenu duie in tempi di prima. Vale à dì chì u corsu hà da entre ind'una cuncurrenza canina cù d'altre discipline : per indettu u zitellu ùn puderà più fà corsu è arte, o corsu è sportu apprudufunditu, ecc... allora ch'ellu li serà cuncessu di sceglie latinu è arte, o puru grecu anzianu è sportu apprudufunditu. Per favurizà u studiu di e lingue anziane, u ministeru hà

lasciatu a pussibilità di studiale in più d'una altra uzzione. Hè quessu un prima avantaghju. Ma latinu è grecu ci si n'anu un antru : i punti sopra à a media venenu multiplicati per trè, allora chì per tutte l'altre uzzione, sò conti solu i punti sopra à 10. Ne vengu in modu logicu à a mo seconda dumanda : perchè chì a lingua corsa ùn s'averebbe micca, ancu ella, l'affollu di a doppia bunifica di e lingue anziane, chì hè diventata in sta riforma, per ellu, una doppia pastoghja ?

Mi permettu di ramintarvi chì ciò chì ghjè in ballu, sò l'effettivi di i liceani scritti in corsu, è dunque l'ore di corsu, è dunque i posti di i prufessori... È quessa allora chì ci truvemu propiu in l'appiigazione di u Pianu lingua 2020 è chì l'articulu 7 di a cunvinzione Statu-CdC 2016-2021 privede, in lu so articulu 7, di ghjunghje à chì 50% di i liceani ch'elli fianu u corsu in lu... 2020 !